

Bunita Cd di Pasco di Herman "Manchi" Hennep

E CD nan di temporada di Pasco ta saliendo un tras di otro, y e aña aki a haya acerca esun di Sr. Herman "Manchi" Hennep y su yiu muher Fransequita Hennep, cu ta canta dos cancion componi pa Manchi y aregla pa Manchi y Robert Thiel.

E bunita di e cancionnan aki ta cu nan no ta toca pa un agrupacion musical.

Aki ta Manchi ta toca guitarra y su yiu muher ta acompaña riba cuarta.

Encanta sigur mi a keda cu e prome di e dos cancionnan, e balada cu por considera hasta bolero. "Dianan di Pasco".

Aki e pikmento riba guiatara ta fabuloso y e combinacion di voz ta masha bunita.

E ta un cancion precioso, cu ta bisa:

Dianan di Pasco ta yegando un biaha mas. Ta trece recuerdo di e añanan atras. Mi ta corda e bishita na tur hende ker, deseando un Bon Pasco na nan tur. Temporada di harmonia, di paz y di amor. Paso a bi na mundo Hesus Cristo Salvador.

Dianan di Pasco ta yegando un biaha mas. Mi tin gana di pas'e mescos cu antes e tabata.

Famia y amigo, hasta hende conoci, ta pordona otro, ofensanan cometi. Mi deseo ta p'e ambiente aki, dura pa aña henter y no solamente den temp'i Pasco.

E di dos cancion ta un aguinaldo "Ata nos di fiesta, Cristo a nace" cu tambe tin palabranan bunita mencionando cu: *Profetanan a bisa, hopi tem'pasa, Dios su viu lo bini, pa nos ta salba.*

Pordona nos falta, Cristo salvador. Nos ta canta Gloria, na dios redentor.

Nuebe luna antes, ata Mama maria a hay'e noticia cu hopi alegria. Entre tur muhernan, e t'esun scohi pa den su barica, Cristo e ricibi,

Wardadornan tur, boso mester lamanta, coronan den cielo, bin pa hubila, mira e tres reynan a bin pa ador;'e, esta cos bunita nan a trece p'E.

E refran ta bisa: *Ata nos fiesta, cristo a nace, laga nos tur hunto, ban pa alab'E. Dun'E tur su Gloria y tambe honor. E t'esun mas grandi, ta tur cos E por.*

E trabao tecnico di Robert Thiel y calidad di e produccion ta hopi halto, y mi ta sigur cu esnan cu cumpra e CD aki lo goza enorme di tur dos cancion.

Por tuma contacto cu Herman "Manchi" Hennep na Rea-murstraat 13, telefon/fax 5820133 (cel 74011650 of via E-mail: hiennep@hotmail.com pa cumpra e CD bunita aki.

Riba un di e potretnan por mira momento cu Manchi den compania di su señora, ta entrega su CD na Sr. Jossy Mansur director di DIARIO, ayera.

Juby Naar.

